

## A Friuli Doc: un dopomisdì pai fruts cui “Gnogosaurs”

Sabide ai 14 di Setembar, apontament cui dinosaurs plui simpatics dal Friûl, protagoniscj dal gnûf fumut “Ciak! Si colore cun GnognoWood”.

La iniziative, inmaneade de ARLeF, e je indreçade ai fruts dai 3 ai 10 agns. Si pues notâsi dentri dai 13 di Setembar

La ARLeF - Agenzie regjonâl pe lenghe furlane e clame adun ducj i fruts, **sabide ai 14 di Setembar aes 16.30**, te sezion Moderne de Biblioteche Civiche “V. Joppi” di Udin. In occasione di Friuli Doc al sarâ presentât il gnûf fumut “Ciak! Si colore cun GnognoWood” cun protagoniscj Bombo, Rugne, Agnul & Icaro, il professôr Einsaur e tancj altris simpatics dinosaurs. Il mont dal cine, in chest câs jurassic, al è il teme di cheste gnove publicazion siore di colôrs, promovude de ARLeF in colaborazion cu La Vita Cattolica.

I Gnogosaurs, personaçs nassûts tal 1996 dal lapis spiçât dal ilustradôr Andrea “Dree” Venier, a compagnin par man i fruts a scuvierzi la lenghe furlane. Vie pal laboratori, inmaneât de ARLeF in colaborazion cul Comun di Udin e la Biblioteche civiche “V. Joppi”, i piçui dai 3 ai 10 agns a podaran cognossi di dongje i segrets di chescj dinosauruts, a passionâsi aes lôr aventuris e salacor provâ a dissegnâju.

Ae fin, a ducj i piçui participants ur vignarâ regalade une copie dal gnûf fumut. Si scuen notâsi **dentri dai 13 di Setembar**, scrivint a [info@sportelfurlan.eu](mailto:info@sportelfurlan.eu) (comunicant non e etât dai fruts).

Udin, ai 10 di Setembar dal 2024

### INFORMAZIONS PE STAMPE - INFORMAZIONI PER LA STAMPA

**Ufficio Stampa ARLeF** CALT relazioni pubbliche / e-mail: [arlef@caltpr.it](mailto:arlef@caltpr.it)

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<<